

Á haustönn 2013

Ágætu foreldrar og forráðamenn,

Það fréttabréf sem hér birtist er ætlað aðstandendum nýnema við Borgarholtsskóla. Tilgangurinn er að upplýsa þá um skólann, þjónustuna sem hann veitir og þær kröfur sem gerðar eru til nemenda. Það eru mikil umskipti að vera í námi við framhaldsskóla, sérstaklega í áfangaskóla. Gerðar eru strangar náms- og mætingakröfur. Slíkt er ekki gert til að vekja ugg heldur að veita nemendum aðhald á allan hátt svo að þeir fái tækifæri til að temja sér öguð vinnubrögð og geti einbeitt sér að náminu.



Foreldrar hafa stóru hlutverki að gegna í námsframvindu barna sinna. Gefið unglíngunum gaum í stóru og smáu – og spyrjið hvernig gengur í skólanum. Á heimasíðu Borgarholtsskóla, www.bhs.is, eru ýmsar gagnlegar upplýsingar. Þar er tengill inn á Innu, kerfi sem geymir allar upplýsingar um nemendur, m.a. einkunnir og skólasókn. Foreldrar geta nálgast aðgangsorð að Innu (sjá kafla um Innu hér á eftir) og nemendur geta upplýst þá um aðgangsorð. Nemendum er kennt samkvæmt námsáætlunum í öllum áföngum. Finna má námsáætlanir með leitarvél á heimasíðunni og inni í áföngum á námsþinginu (Moodle).

Starfsmenn Borgarholtsskóla eru um 130 talsins. Við skólann starfa reyndir og vel menntaðir kennarar á fjölmörgum sviðum. Eins starfar þar öflugt teymi námsráðgjafa, forvarnafulltrúa og annarra stuðningsfulltrúa sem greiða nemendum leið í námi. Við skólann er öflugt umsjónarkerfi. Allir nemendur hafa sinn eigin umsjónarkennara sem jafnframt er tengiliður foreldra við skólann.

Mat á námsárangri nemenda, sk. miðannarmat, hefur verið tekið saman og er birt á Innu, www.inna.is. Þá er nauðsynlegt að hafa aðgangsorðin að Innu klár. Frá og með 1. október 2013 er eingöngu hægt að skrá sig inn í Innu með Íslykli, (sjá: www.island.is/islykill).

Borgarholtsskóli ber fyrir brjósti almenna velferð nemenda, bæði andlega og líkamlega. Skólinn er meðal sk. heilsueflandi skóla. Skólahúsnæðið er bjart og hreint og í mötuneyti skólans er heilsusamlegt fæði í fyrirrúmi. Öll notkun tóbaks og annarra fíkniefna er skv. lögum bönnuð í skólanum og á lóð hans. Nemendur ganga ekki á útiskóm í skólanum. Um þessi atriði hefur náðst almenn og góð samstaða.

Í lokin vil ég biðja foreldra og forráðamenn um að leggjast á árar með okkur og hvetja nemendur til að huga að námsástundun, reglusemi og góðum lífsháttum. Þá munu stórir draumar unga fólksins okkar rætast.

Ingi Bogi Bogason, aðstoðarskólameistari

INNA er skráningarkerfi skólans

Í skráningarkerfi skólans, Innu, er haldið utan um námsferil, námsmat og viðveru nemenda. Inna er vefkerfi sem hægt er að fara inn á af heimasíðu skólans eða með því að skrá inn þessa slóð á vefnum: <http://www.nemendur.inna.is>. Við teljum mikilvægt að nemendur noti þennan aðgang að upplýsingum og séu meðvitaðir um námsframvindu sína og skólasókn.

Foreldrar/forráðamenn nemenda yngri en 18 ára fá eigið aðgangsorð að Innu. - Við hvetjum foreldra eindregið til að fylgjast með mætingu og námsframvindu unglínganna sinna. Rétt er að geta þess að próftafla annarinnar birtist í Innu og einnig ýmsar tilkynningar frá skólanum eða kennurum.

Frá og með 1. október 2013 er eingöngu hægt að skrá sig inn í Innu með Íslykli. Íslykillinn er hluti af nýrri innskráningar-þjónustu Ísland.is. Honum hefur verið líkt við rafrænt nafnskírteini. Á vef þjóðskrár www.skra.is má finna vísun í síðu sem útskýrir hvernig Íslykillinn virkar og hvernig megi nálgast hann. Eins er hægt að fara beint á vefslóðina www.island.is/islykill og fá þar sömu upplýsingar. Þar er Íslyklinum lýst á eftirfarandi hátt:

Hvað er Íslykill?

Íslykill er kennitala og lykilorð. Upphaflegt lykilorð sem útbúið er sjálfvirkt, saman-stendur af þremur orðum úr orðabók með punkti á milli. Við fyrstu innskráningu með nýjum Íslykli er eigandi lykilsins beðinn að breyta honum. Nýja lykilorðið þarf að vera „sterkt“, þ.e. lágmark 10 stafir og blanda af bókstöfum, tölustöfum og táknum. Íslenskir stafir eru leyfðir. Ekki er gerður greinarmunur á há- og lágstöfum.

The screenshot shows the website for Borgarholtsskóli. At the top, there is a navigation menu with links for 'Forsíða', 'Um skólann', 'Nám í boði', and 'Skólanámskrá'. Below the menu, there is a main content area with a green header and a white body. The text in the main area reads: 'Borgarholtsskóli er fjölbreyttur og framsækinn skóli sem leggur áherslu á að allir fái nám við sitt hæfi. Boðið er upp á margar námsleiðir í bóknámi, listnámi, iðnnámi og starfsnámi. Kynning á skólanum og upplýsingar um innritun.'

Tengillinn **Inna fyrir nemendur** er á heimasíðu skólans. Þar má tengjast Innu og skoða ýmis atriði sem snerta skólagöngu nemans.

The screenshot shows the login page for Inna on the Ísland.is website. The page has a white background with a blue header. On the left, there is a logo for 'island.is INNSKRÁNING'. On the right, there is a logo for 'INNA'. Below the logos, there is a text box with the following text: 'Í nýju innskráningarkerfi Ísland.is er hægt að veita á milli þess að nota rafræn skírki á snjalkorti eða Íslykli. Þjóðskrá Íslands gefur út Íslykli sem mun smám saman leysa veflykil ríkisskattstjóra af hölmum í allri innskráningarþjónustu Ísland.is. Á næstu dögum eða vikum fyrist öll innskráning Ísland.is hingað.'

Below the text box, there are two main sections: 'RAFRÆN SKÍRÍKI' and 'ÍSLYKILI'. The 'RAFRÆN SKÍRÍKI' section has a text box for 'Handhafar rafrænna skíríka á debetkortum eða einkaskíríka/starfsmannaskíríka á snjalkortum auðkenna sig hér. Nauðsynlegt er að nota kortalesara.' and a button 'Lesu skíríki'. The 'ÍSLYKILI' section has a text box for 'Kennitala:' and 'Íslykill:' with a password field and a button 'Staðfesta'. There is also a 'Hjálp' button.

Mætingar og áminning

Í Innu eru upplýsingar um viðveru nemandans. Þar er gerð grein fyrir mætingu bæði í prósentum og tímafjölda. Ef farið er í *Námsferill* og *Viðvera* valin má sjá yfirlit yfir mætingu nemandans. Undir *Mæting* sést hlutfall þeirra tíma sem nemandi hefur mætt í og hafa þegar verið kenndir. Undir *Önn* er að finna hlutfall þeirra tíma sem nemandi hefur mætt í af áætluðum heildarfjölda kenndra tíma á önninni. Síðasti dálkurinn, *Til mætingareinkunnar*, sýnir hins vegar hlutfall þeirra tíma sem nemandi hefur sótt á önninni án þess að tekið sé tillit til veikinda eða leyfa. Sé þetta hlutfall yfir 95% við lok annar fær nemandi eina einingu fyrir mætingu.

Forráðamenn nemenda yngri en 18 ára fá senda skriflega áminningu þegar mætingarhlutfall á önn fer undir 95%. Aðeins er send þessi eina áminning og er hún hugsuð sem hvatning til nemanda um að bæta mætingu sína í alla áfanga það sem eftir er annarinnar. Slök mæting getur leitt til þess að nemanda sé gert að sækja um skólavist að nýju.

Veikindi og fjarvistaskráning

Tilkynna þarf um veikindi nemenda milli kl. 8 og 12 í síma **535 1717** þá daga sem veikindin standa yfir. Forráðamenn nemenda yngri en 18 ára þurfa að sjá um það. Ekki eru skráð veikindi ef tilkynnt er um þau eftir kl. 12 á hádegi eða síðar. Ekki er krafist læknisvottorða nema um síendurtekin veikindi sé að ræða. Veikindi á prófatíma þarf að tilkynna samdægurs og auk þess skila læknisvottorði innan þriggja daga.

Mætingastjóri, Anton Már Gylfason, hefur umsjón með mætingamálum og hafa má samband við hann ef eitthvað bregður út af í mætingu eða viðveruskráningu nemanda. Síminn er 535 1700 og netfangið: anton@bhs.is Viðtalstímar eru auglýstir á heimasíðu skólans, undir tenglinum *Um skólann*, og þar undir *Starfsmenn*.

Frá foreldraráði

Foreldraráð Borgarholtsskóla hefur aðsetur í Borgarholtsskóla og eru félagsmenn, foreldrar og aðrir forráðamenn nemenda skólans. Í foreldraráði situr að auki einn fulltrúi skólans. Fundir eru haldnir x1 í mánuði og aðalfundur er á haustönn. Fundargerðir foreldraráðs eru á heimasíðu skólans undir tengilinn félög, þar geta foreldrar fylgst með störfum ráðsins. Foreldrar eru hvattir til að sækja fundi og ræða ýmis mál. Allir velkomnir. Netföng stjórnarfélks er að finna á heimasíðunni og endilega hafið samband.

Frá bókasafni



Safnið er ávallt vel sótt og oft þröngt setið. Í haust höfum við farið inn í kennslustundir allra hópa í lífsleikni og kynnt starfsemi safnsins. Nemendur fá leiðbeiningar um leit á Leitir.is, síðan koma þeir inn á safnið og leysa verkefni. Leitir.is er vefur sem veitir upplýsingar um bækur, hljóðbækur, rafbækur, tímarit, tímaritsgreinar, ljósmyndir, myndefni, tónlist, hljóðrit, nótur, skýrslur og lokaverkefni háskólanema. Hægt er að takmark leit við eitt safn, þannig er hægt að leita einungis í safnkosti bókasafns Borgarholtsskóla



Bókasafnið er opið frá kl. 8:00 á morgnana til 16:30, mánudaga til fimmtudaga, en lokar kl. 15:00 á föstudögum. Heimasíða bókasafns er bhs.is/bokasafn. Þar má meðal annars finna gagnlegar upplýsingar um safnið, gagnasöfn og rafræn tímarit og hvernig best er að bera sig að við upplýsingaleit, ritgerðasmíð og heimildanotkun.

Við erum með á safninu bækur og tímarit, tónlist, fræðslumyndir og kvikmyndir. Í skólanum hafa nemendur einnig aðgang að veforðabókunum *Snara.is*. Reglulega stillum við út áhugaverðu efni og vekjum athygli á fjölbreyttum safnkosti á þann hátt.

Við reynum því að hafa safnið lifandi upplýsingamiðstöð sem styður við nemendur og starfsmenn bæði í leik og starfi. Í „þögla“ herberginu á að vera gott næði til að einbeita sér að lærdómnum. Einnig er hægt að vinna við hópvinuborð, gera skólaverkefni í tölvum safnsins eða nýta sér lesbása við glugga með glæsilegu útsýni. Foreldrar, hvetjið börnin ykkar til að nýta tímann í skólanum vel þegar göt eru í stundaskrá og læra á safninu.

Ása og Steinunn, bókasafns- og upplýsingafræðingar BHS.

Náms- og starfsráðgjöf

Markmið ráðgjafarinnar er að veita nemendum þjónustu í málum sem tengjast námi þeirra, náms- og starfsvali og persónulegum högum. Þá veita náms- og starfsráðgjafar foreldrum, kennurum og öðru samstarfsfólki ráðgjöf í málum einstakra nemenda. Náms- og starfsráðgjafi er bundinn trúnaði við skjólstæðinga sína. Innan skólans er hann trúnaðarmaður og málsvari nemenda.



Samstarf við náms- og starfsráðgjafa eflir námsmenn

Hvers vegna að leita til náms- og starfsráðgjafa?

Marga vantar aðstoð við ýmis hagnýt atriði sem lúta að náminu. Nemendur geta t.d. fengið ráðgjöf við að skipuleggja nám sitt og stuðning til að geta stundað það. Mál sem náms- og starfsráðgjafar vinna með eru fjölbreytt og eru helstu málaflokkar eftirfarandi:

- Ráðgjöf í námi, s.s. skipulagning tíma, áætlanagerð og námstækni.
- Ráðgjöf við náms- og starfsval, s.s. miðlun upplýsinga um möguleika og framboð á námi og störfum.
- Ráðgjöf og stuðningur vegna persónulegra mála, s.s. vegna tímabundinna erfiðleika og/eða áfalla.

Námskeið á næstunni

- Námstækninámskeið hefst miðvikudaginn 25. september kl. 12:40-13:20 og verður tvo næstu miðvikudaga á eftir (2. og 9. október). Námskeiðið er haldið í stofu 309. Skráning er hjá agusta@bhs.is.
- Prófkvíðanámskeið (undirbúningur fyrir próf) hefst fimmtudaginn 24. október kl. 12:40-13:20 og verður tvo næstu fimmtudaga á eftir (31. október og 7. nóvember). Námskeiðið er haldið í stofu 309. Skráning á agusta@bhs.is.

Dyslexíuráðgjöf

Það er stefna skólans að kennarar og annað starfsfólk sýni lesblindum nemendum skilning, tillitsemi og veiti þeim eins og aðstæður leyfa persónulegan og námslegan stuðning. Flestar námsbækur eru til í hljóðbókarformi og eru aðgengilegar nemendum með dyslexíugreiningu. Nemendur nálgast hljóðbækur á Hljóðbókasafni Íslands.

Dyslexíuráðgjafi

Í Borgarholtsskóla starfar dyslexíuráðgjafi. Hlutverk hans er m.a. að veita lesblindum nemendum persónulegan og námslegan stuðning,

FRÉTTABRÉF BORGARHOLTSSKÓLA SEPTEMBER 2013

veita nemendum fræðslu og þjálfun í námstækni sem auðveldar þeim námið, vinna í samvinnu við kennara að hagsmunamálum þessa nemendahóps, nemendur fá upplýsingar og þjálfun í stuðningstækni s.s. yfirlestrarforritum, hljóðdiskum og talgervlum.

Upplýsingar um viðtalstíma dyslexíuráðgjafa má finna á auglýsingaskjáum og heimasíðu skólans en einnig geta nemendur og aðstandendur þeirra pantað viðtal í netpósti (eirikur@bhs.is)

Dyslexíupróf

Á báðum önnum gefst nemendum kostur að fá greiningu á lestrarvanda sínum. Logos lesgreiningarprófið metur fjölda þátta sem færni í lestri og stafsetningu byggir á. Niðurstöður prófsins gefa vísbendingu um hvort um dyslexíu er að ræða.

Lífsleikni á haustönn 2013

Nú fá nýnemar kennslu í lífsleikni á báðum önnum. Venjulega hefur lífsleikni eingöngu verið kennd á haustönn, þá sex tíma á viku en í ár eru kenndir fjórir tímar á haustönn og tveir tímar á vorönn. Lífsleiknin er eftir sem áður sex eininga áfangi.

Ástæðan fyrir breytingunni er sú að í áfangaskóla, eins og Borgarholtsskóla, þarf mjög gott utanumhald með nemum á fyrsta ári. Á haustönn hafa lífsleiknin og vikulegur umsjónartími verið nýtt til stuðnings við nemana en á vorönn hefur hins vegar aðeins verið vikulegur umsjónartími. Þetta fannst kennurum vera full mikil breyting á milli anna og hefur það komið fram í viðtölum við nemendur í umsjónartímum að þeir vilji fylgja sínum hópi betur fyrstu tvær annirnar. Við höfum nokkurra vikna reynslu af þessu fyrirkomulagi og er það mál kennara sem hafa prófað bæði formin að þetta komi miklu betur út.

Einnig var ákveðið að brydda upp á þeirri nýbreytni í kennslunni að lífsleiknikennarar ferðist á milli hópa með verkefni og fyrirlestra, þá eru sem sagt kennarar ekki alltaf með sömu nemendur heldur fara þeir í aðra hópa og er það mikil tilbreyting bæði fyrir nemendur og kennara.

Sigurður Þórir Þorsteinsson,
fagstjóri í lífsleikni.

Miðannarmat

Kennarar í öllum námsgreinum ljúka skráningu miðannarmats í Innu þann **9. október** og geta nemendur og foreldrar / forráðamenn skoðað það þar. Einnig er hægt að hringja á skrifstofuna og fá matið sent heim. Nemendur á framhaldsskólabraut fá ekki miðannarmat en þeir taka sérstök tarnarpróf og fá niðurstöðu úr þeim skráða inn á Innuna. Eins fá nemendur í bíliðnum ekki miðannarmat í þeim áföngum sem kenndir eru í lotum.

Markmiðið með miðannarmatinu er að gefa nemendum, foreldrum og kennurum upplýsingar um stöðuna á miðri önn. Matið byggir á frammistöðu nemandans á u.þ.b. sjö fyrstu vikum annarinnar og er **hvorki hefðbundin né endanleg einkunn** heldur mat á **ástundun**, t.d. virkni í tímum, heimavinnu, verkefnaskilum, einkunnum í skyndiprófum og mætingu. Mikilvægt er að nemendur nýti sér matið til hvatningar og leiðbeiningar.



Einkunn:	Merking:	Umsögn:
A	Afar góð ástundun	Ef nemandinn heldur svona áfram getur hann náð mjög góðum árangri í áfanganum.
G	Góð ástundun	Ef nemandinn heldur svona áfram getur hann náð nokkuð góðum árangri í áfanganum en gæti gert betur.
V	Vart viðunandi ástundun	Nemandinn þarf að bæta sig til þess að ná viðunandi árangri í áfanganum.
O	Óviðunandi ástundun	Nemandinn þarf að bæta sig verulega til þess að eiga möguleika á að ná áfanganum.

Miðannarmatið er óhefðbundið námsmat til hvatningar og leiðbeiningar á miðri önn. Umsögnin er gefin í bókstöfunum.

SMS-skilaboð

Nemendur fá SMS-skilaboð ásamt tölvupósti þegar forföll kennara eru skráð í Innu. Foreldrar ólöggráða nemenda fá tölvupóst eins og hingað til. Mikilvægt er því að rétt símanúmer og rétt netföng séu skráð í Innu. Nemendur eiga að geta breytt þessum upplýsingum ef þörf er á.

Frá formanni Nemendafélags

Veturinn hefur hingað til gengið mjög vel. Busunin fór vel fram og Busaballið vonum frammar. Um 600 manns voru á ballinu á Spot í Kópavogi en nú er þegar byrjað að skipuleggja næsta ball sem verður haldið í fyrri hluta nóvember.

Dagskrá Nemendafélagsins verður eins fjölbreytileg og hægt er til að ná til sem flestra hópa. Við höldum áfram samstarfi við Gufunesbæ og verða haldin 2-3 kvöld þar sem meðal annars verður Hrekkjavökukvöld og jólakvöld. Íþróttavikan verður svo haldin í október þar sem allir geta leitað í góða hreyfingu og félagsskap.

Málfundafélagið vinnur nú að því að setja saman lið fyrir Morfís (Mælsku- og rökræðukeppni framhaldsskóla Íslands) og er spennandi að sjá hvaða Borghyltingar eiga eftir að gera okkur stolt í vetur í keppni við aðra skóla.



Nú í lok september verða nemendaskírteini gefin út nemendum að endurgjaldslausu en þau gefa afslátt á ýmsum stöðum.

Félagslífið er stór þáttur af framhaldsskólaárunum og því vonum við að sem flestir taki þátt í því. Það er alltaf gefandi að vera þátttakandi í félagslífinu.

Skemmtilegir tímar eru framundan og verða viðburðir í félagslífinu auglýstir jafnóðum hjá okkur á www.facebook.com/nfbhs. Heimasíðan okkar www.borgari.is er í vinnslu en verður fljótlega komin í lag.

Við hvetjum alla til að fylgjast með og hlökkum til komandi vetrar.